

Urrezko saria Etxenike eta Goirienarentzat

*EHUko bi irakasleon lana goraipatu
zuen Pello Salaburuk*

I. Murua Uria / Donostia

Pedro Miguel Etxenike eta Juan Jose Goiriena EHUko irakasleek Unibertsitatearen urrezko domina bana jaso zuten atzo Pello Salaburu errektorearen eskutik, Martin Ugalde *honoris causa* doktore izendatu zuten ekitaldi berean. Zientziaren alorrean egindako lana saritu diote Etxenikeri eta EHUren alde egindakoa, berriz, Goirienari.

EHUko idazkari nagusi Marisol Estebanek irakurri zituen EHUko Gobernu Batzordearen aktak, bi irakasleak zergatik saritu dituzten azaltzeko. «Zientziak lantzen egindako lan nabarmenagatik» eman diote urrezko domina Etxenikeri. «Materia kondentsatuaren fisikaren alorrean egindako ekarpen garrantzitsuak» ez ezik, Kimika Fakultatean ikerketa talde inportantea sortu izana aipatu zuen Etxenikereren meritu nagusitzat. Juan Jose Goiriena Eusko Ikaskuntzako lehendakariari EHUko errektore izan zenean Unibertsitatearen «instituzionalizatzean eta modernizatzean» egindako lana eskertu diote urrezko dominarekin, Marisol Estebanek adierazi zuenez.

Pello Salaburu errektoreak, besteak beste, Etxenikeren «konpromisoa» eta «esku-

zabaltasuna» azpimarratu zuen: «Bere herriaren eta bere unibertsitatearen garapenarekin engaiatzeko erakutsi duen konpromisoaz eta eskuzabaltasunaz ari naiz», zehaztu zuen. Haren lanak nazioartean lortu duen «sinesgarritasuna» eta «distira» ezohikoak direla esan zuen eta, mundu osoko unibertsitateetan aritzeko aukera edukita, Etxenikek EHUari aritza erabaki duela nabarmendu zuen Salaburuk.

Juan Jose Goirienak —«unibertsitario errenazentista» eta «gaur egungo entziklopedista» deitu zion— EHUko Errektoretza oso une zailetan hartu zuela eta Unibertsitateari «norabide egokia» egokia ematen asmatu zuela adierazi zuen Salaburuk: «Unibertsitatea ez da jabetzen gizon honi zenbat zor dion», esan zuen.



Pedro Miguel Etxenike eta Juan Jose Goiriena, Urrezko Domina jaso ondoren.

Zientzia eta unibertsitatea hizpide

■ ZIENTZIA eta Unibertsitatea izan zizuten hizpide, hurrenez hurren, Pedro Miguel Etxenike eta Juan Jose Goirienak atzo, urrezko domina jaso ondorengo hitzaldietan.

Zientziaren aldeko eta zientifismoaren aurkako hitzekin hasi zuen hitzaldia Etxenikek. «Hitz hutsari ez fida; baizik eta begiratu izateari. Horra enpirismoa!», esan zuen Etxenikek zientziaren balioa azpimarratzeko. Baina «zientziak ez du usterik gizadia-

ren arazo guztiak konpontzekorik» esan zuen ondoren, zientifismoaren zentzugabekeriak ohar-tarazteko.

Ikerketak askatasuna eskatzen duela esan zuen, eta ikerketak askatasuna ematen duela. Etxenikereren hitzetan, «ikertzailea arriskatu egiten da lurralde ezezagunean ibiliz» eta «arriskurik onartu nahi ez duen Herriak, noski, kaltea nozitu beharko du hezkuntzan eta industrian». «Herri agintariekin hobe

lukete bestelako giroa eragin zientziaren eta sorkuntzaren garapena ahalbidetzeko», ohartarazi zuen.

«Ezagutzaren gizar-tean» Unibertsitateak izango duen garrantziaz aritu zen Juan Jose Goiriena Eusko Ikaskuntzako lehendakari eta EHUko irakaslea. Ezagutzaren gizar-te berri honetan «gizar-teen etorkizuna goi tituludunen kantitateak eta kalitateak baldintzatuko du, mende hasieran alfabetizatzeak eta es-

kolatzeak baldintzatuko zuten bezala», adierazi zuen Goirienak. Horregatik, Goi Hezkuntzak, «Ezagutzaren Gizar-tearen subjektu gisa» bere funtzioak eta helburuak berriro definitu behar ditu.

Eta ikerketaren garrantzia azpimarratzean, bat egin zuen Etxenikerekin: «Unibertsitatea Ezagutzaren Gizar-tean berrikuntza eta garapen faktorea izan dadin, ikerketak izan behar du bere lehentasun nagusia».


Egin euskal opariak Gabonetan

zure betiko
liburudendan

2000. urteko
AGENDA
1.500 pta / 60 lb



Merry Christmas Panama!
esan zuen heriotzak
KOLDO IZAGIRRE
1.800 pta / 75 lb



Su-etenaren apustua
PELO URZELAI
1.500 pta / 60 lb



2000. urteko
EGUTEGIA
600 pta / 25 lb